

Pag-ampo sa Gabii

Pwede usab maghimog serbisyo sa pag-ampo nga magbuntagay ingon nga bahin sa Napulo ka Adlaw sa Pag-ampo. Pananglitan, makasugod ka sa alas 6:00 sa hapon ug mahuman sa alas 6:00 sa buntag. Pagpili og oras nga angayan alang sa imong grupo.

Nganong Pag-ampo sa Gabii?

Dili “makapabalaan” ang pagbilar ug mag-ampo nga magbuntagay. Pero, ang gabii mao ray panahon nga ang katawhan wala nagkapuliki og wala nagdalidali. Kami nagatuo nga ang imong tuyo kinahanglan magbilar sa tibuok gabii apan ang pag-ampo ingon nga kinahanglanon ug hangtud nga imo nang giampo ang tanang butang nga gusto sa Dios kanimo ipaampo.

Among gisugyot nga ubay-ubay nga katawhan mangulo atol sa gabii. Siguroa nga naay pahuway. Ingon nga usa ka pangulo, mabatyagan nimo ang kalikopan ug mahibalo sa dihang gikinahanglan ang pahuway ug sa dihang gikinahanglan sa pag-irog ngadto sa sunod nga kabanata sa pag-ampo. Pwede sab nimo iapil ang pagbasa sa mga teksto sa Biblia sa imong panahon sa pag-ampo. Mahimong buhaton nimo tanan sa mga gisugyot nga butang o ang pipila lang niini, depende unsay kinamaayohan alang sa imong grupo. May kagawasan ka sa pag-usab sa han-ay.

Poseble nga Han-ay alang sa Pag-ampo sa Gabii

Magsugod sa pag-awit. Dayga ang Dios sa imong mga pag-ampo ug usab pinaagi sa mga awit.

Maggahin og pipila ka panahon alang sa pagkompisal, pagpasiguro nga walay makaolang sa pagpamati sa Dios kanimo. Hatagi ang katawhan og panahon alang sa pribadong kompisal ug paghatag og panahon sa tinibuok nga kompisal. Dasiga ang katawhan sa pagkompisal sa mga tinagong sala sa tago ug sa pagkompisal sa kadaghanan lamang sa mga dayag nga mga sala. Sa Daniel 9:1-19 mabasa nato mahitungod kang Daniel, nga nagpataliwala ug nagkompisal sa dayag sa mga sala sa katawhan sa Dios.

Pag-ampo alang sa mga panginahanglan sa katawhan nga anaa sa tigum sa pag-ampo. Daghan kaayong katawhan nga nasakitan o anaa sa panginahanglan sa pag-ampo, o nanghibalo og usa ka tawo nga anaa sa desperado nga panginahanglan sa pag-ampo. Maghimog lingin, butangi og lingkoranan sa tunga, ug dapita kadtong may mga pinasahi nga hangyo sa pag-ampo sa pagduol usa-usa ug sa pagpahat sa ilang mga hangyo. Unya magtigum palibot sa tawo ug ipaampo sa duha o tulo ka tawo alang sa mga tinong panginahanglan nianang tawhana ug angkona ang mga saad sa Dios.

Tungaa ang grupo sa duha. Ang mga babaye mag-ampo sa usa ka lawak (may babaye nga pangulo) ug ang mga lalaki sa laing lawak (may laki nga pangulo). Daghang mga personal nga panginahanglan dili ug kinahanglan dili igapahat sa matag usa. Mas sayon pa sa pagpahat niadtong isig-ka lalaki o babaye.

Human sa pagtipon ninyo og balik, **pag-ampo sa mga panginahanglan sa imong kumunidad ug iglesia.** Paggahin usab og panahon alang sa mga pag-ampong hanyo sa iglesia sa tibuok kalibutan (nalista sa lahi nga dokumento diha sa Napulo ka Adlaw sa Pag-ampo nga mga materyales.) Ayaw batia nga kinahanglan jud ka magdali sa tibuok listahan. Pwede nimo gustohon sa pagbahinbahin ngadto sa mga gagmayng pundok ug paampo ang matag grupo alang sa bahin sa listahan.

Pag-ampo sa listahan sa lima ngadto sa pito ka katawhan nga imong ginaampo atol ning mga napulo ka adlaw.

Magpili og usa basahon sa Biblia ug mag-ampo mahitungod niini.

Taposon ang panahon sa pag-ampo sa laing sesyon sa pagdayeg ug pagpasalamat.